

سر محرر: شهبندر زاده قلهلی

احمد هلمی

محل اداره سی:

جنگال اوغلنده « حکمت » اداره خانه سیدر .

حقه مقرون، اغراضدن سالم افکار و مقالاته صحیفه لر من آچیق قدر.

« HIKMET »

Journal ture, quotidienet politique

DIRECTEUR-PROPRIETAIRE:

A. HILMY CHEHBENDER

اداره مدیری: قلهلی

شمس زهنی

اشترا بدلی:

برسنه لکی ۹۵، آلتی آیلنی ۵۴ غروشدنر .

پوسته اتحادینه داخل ممالک اجنبیه ایچون قرق فرانقدر.

ABONNEMENT

un an : 95 piastres و six mois 54 p.

Union postale: un an, 40, six moi, 25 Fr.

Rédaction : Constantinople, Djagal oglou



نسخه سی: ۱۰ پاره در

حقیقه خادم یومی غزته در

نسخه سی: ۱۰ پاره در

اجال سیاسی

قاراداغک بردن بره آتشیپاره جملادت کسبلمه سی، البته اونی نفخه تشویقیله ایقاد ایدن بولوندیغنی کوسته ریوردی . بولغا رستانده یاپیلان نمایشلرله بونلرک متهمی قیلندن اولارق روم ایلی ده اشغال ایدیلن بومبالر، برشی امید اولوندیغنی بیلدیریوردی .

بولغار - صرب اتفاقی، برچکرک باشنده ایکی کدینک اتحادینه پک بکزمه مکله برابر، ینه اورطیه سوریلوردی . روم - بولغار ائتلافی کبی بیات بر حوادث ببله تازه دییه صاتیلا بیلوردی . شیمدی بونلر، برر برر قوتی ضایع ایدیور . یالکیز میدانده امور داخلیه من قالیور .

اولا، تبدل وکلایه [وکلادن بهضیلری چکلمک ویاخود یکی برصدراعظم تحت ریاستده دیگر برقایینه میدانه کتیریلک صورتلرندن بریله] انتظار ایتمک لازم .

بو، هرایشته تقدم ایدر . طبیعی درکه بحران مقدماته معروض برقایینه ایشلر، علی الاکثر برنوع توقفه اوغرار . بمضاده پک عجله ایله ایش چیقاردیغنی کوریلیرک هرایکی صورت، آرزو اولونور شیلردن دکدر .

انتخابات، هر نه قدر بالفعل باشلاماش ایسه ده ینه افکاری اک زیاده اشغال ایدن امور داخلیه مزدن بری در . بو انتخاب ایشنده، هرکسک آلدینی وضعیت، بربرلرینک قوتی بیلیمین پهوانلرک ساحه امتحانده آدقلری شکل مضحکی براز آ کدیریور . کیم قازاناجق؟ ناصیل اولاجق؟ ایشته بونک کبی بر جوق سؤالر؟ افکاری اشغال ایلور .

اک مهم مسئله داخلیه مز ایسه، هیچ شهبه سز، ارناودلیق ایشلیردر . هیئت ناصحه تک حسن قبول کوردیکی وارانود وطنداشلر مزک سرد ایتدیگی مطالب و تمیساتک اک مهملری شایان قبول کوریلدیگی اعلان اولوندی . شو حالده ارناود وطنداشلر مزکده داغلمالری بکه نیوردی . رؤسانک ویردیکی قرارلرده وحدت عثمانیه تک پک زیاده لهنده ایدی . لکن ارناود وطنداشلر مزک اسکوبه دخولی و برقاچ یوزینک سلاویه ووردی برحالت طبعیه ده یعنی هر عثمانی ملکه کته کیره بیلیمه سی قیلندن اولدینی خاطره وارد اولان اک طبیعی بر محاکمه ایسه ده اخیراً کورپری جهتنده طوبالان ارناودلرک سلاویه دوغری یوردکلی و حکومتک بونلری منع ایچون جهت عسکریه امر ویردیگی استخبار ایدلدی .

شیمدی به قدر التان استخبارات رسمیه به وارانود رؤسانکک تأمینات قطعیه سنه مغایر از لان بو حرکت بر معنا ویرمه یور ایسه کده ایشده بر کلاشاما اولدینغه حکم ایتک ایسته یورز . فی الواقع عفو عالی ایچق بونکون اعلان ایدلیدی ایچون بر یاکشسلق خاطره کله یلیر . لکن شو امیدلر من بوشه چیقارسه، عثمانلیق ده وظیفه سی یاپار . بنابرین امید ایدرکده مسئله تک آرتق ده ازیاده اوزاماسنی آرزو ایدن بولونماز . شایان دقتدرک ایتالیا یله مصالحه مسئله سی ده بونکونلر ده متروکندن معدود کبی کورونمکده ایکن بونکونکی تغیر ایلر ده صلح بر امر واقع کبی کوسته ریوردی .

بومنیخوس تجاوز، اوله حلی غیر قابل بر کریومه اکریدی که انسان، بوباده برچاره حل آریانلرک افکاری او قومقدن بیلله نحاشی ایدیوردی !

لکن نه دیهلم؟ همه شیمدی نه دیسه کده بوش . هیایدی دیهلم که : حق دایما قوتک مغلوبی دکدر .

تلغرافنامه

صلح شایملری

پارس ۱۸ اغستوس — غزته لر عثمانی آژانسک صلح حقنده کی خبری یازمقده فقط احتیاطی داورانقده درلر .

لوندنه ۱۸ اغستوس — عثمانی وایتالیا آراسنده صلحک قریب العقد اولدینی متعدد یاختلردن التان تلغرافلر تأیید ایتکده در . مذاکرات کبری طولقده و بوباده کی اشاعات و قسز صایلمقده در .

برختولد تکلیفک روسیه ده تلقی پارس ۱۸ اغستوس — پترسبورغدن بیلر بولدیکنه کوره روسیه حکومتی قوت برختولد تکلیفی قاجاماق صورتیله تلی ایتشدر .

موسوی ژورس وعدم مرکزیت پارس ۱۸ اغستوس — موسوی ژورس ارمانینه غزته سنده یلزدینی بر مقالده فضل اختلاف وعداوتک مهلاک اولدینی وعدم مرکزیت عثمانی حکومتی ایچون مشوم بولوندیغنی یازیور .

شون مهمه

ارناودلر حقنده

مجلس وکلا قراری

دونکیکی مجلس وکلاده کورپری وجوارنده سلاویه کلککده اولدینی آ کلاشیلان ارناودلرک سلاویه منع دخوللری حقنده سلاویه قوماندانانمنه تبلیغات شیدیده بولنلیدی خبر انمشدر . بوخبرک درجه وثوقی تدقیقه امکان بولماق .

شیمدی به قدر وقوع بولان تأمیناته مغایر اولان بونکی احواله قارشی حکومتک اجراآت شیدیده بولوناجنی مستخبردر .

عفو عالی

[ارناودلیق مسئله سنک خانی]

قوصوه، مناستر، اشقودره و یانیه ولایتلری داخلنده ۳۳۸ سنه سی مایسندن بدأ ایله تموزی نهایتنه قدر دوام ایدن حرکات وحدتانه کزک اهالیلر کزک مأمورین ملکیه ایله عسکر وژاندارمندن اشتراک ایدنلرله اثنای حادثانده فرار ایدن محبوسین وموقوفین حقارنده حقوق شخصییه دعواسی باقی اولق اوزره عفو عمومی اعلانی حقده تنظیم اولنوب مجلس عمومینک اجتماعنده قانونیتی تکلیف ایدلک اوزره موقع اجرایه وضعی مجلس وکلا قرار یله عرض واستیدان اولان قانون لایحه سی تصدیق عالی حضرت پادشاهی به اقتران ایدلرکندن آرتق اجتماعاته ومخالف قانون ومحل امن وسکون حرکاته مان قطعاً نهایت ویریلرک اهالی ومأموریندن وعسکر وژاندارمندن شسوراده بوراده اجتماع ویاخود فرار ایدنلرک سر یارلرینه عودتله ایش وکوجلریله اشتغال ایتاری لزومک اختاری هیئت تحقیقه رئیس مشیر ابراهیم پاشا حضر تلرینه وقوصوه ومناستر و یانیه واشقودره ولایتلرینه باتلغرافنامه انبا وعدلیه وحریه نظارت جلیله لرینه صدارت عظمادن تبلیغات اجرا قلمشدر .

ارمنی غزته لرک روایتنه کوره آظنه وحلب دیوان حربرلری طرفدن محکوم ایدیلن ۱۵۵ ارمنی عید فطر مناسبتیه مظهر عفو عالی اولاجقلردن .

نافعه نظارتی

نافعه نظارتنه شورای دولت مالیه دائره سی رئیس توفیق بکک تمینی تقرر ایتشدر .

آوانس حقنده مذاکرات

بریحق ملیون ایرالق آوانس مذاکراتی الان دوام ایتکده در . دون کچ وقته قدر مالیه نظاری عبدالرحمن بک اقدی، دیون عمومییه معاملات تقدیه مدیری فرید بکی جلب ایله ش و آرالننده مذکور آوانس حقنده اوزون مدت مذاکرات جریان ایتشدر .

عثمانی باقیه سندن اجرا ایدیلرک آوانس حقنده جریان ایتکده اولان مذاکراته دائر مالیه نظاری عبدالرحمن بک اقدی طرفدن مجلس وکلایه ایضاحات اعطا ایدلشدر .

پایه عیان

برجواب ویراجتهاد

[کویلی ده بردادر وجدانه]

عزیز قارداشم .

مکتوبکزه صمیمی برجواب ویرمک . وجدانم، قلبم بودر . تورکر، عثمانلیک اساسی ومؤسسی والحاله هدا وحدت عثمانیه تک هر عنصردن زیاده علاقدار وحارسه درلر . بو فکرمن، بر حقیقت بارزه اولقله برابر هیچ برعنصره قارشی نه برامل تحکمی، نه ده بر مقصد تجاوزی شامل دکدر .

بز تورکره، عنصردن فضل و پک نازک بر وظیفه ترتب ایدیور وایدجکدر . بز، قبل الانقلاب قسماً ملت حاکمه اولدیغمزدن بونکون عناصر سائرتهک وبالخاصه ده فضل محتاج تناصر اولان عناصر مسلمانهک بونوک برادری وشهره وطنپروریده راهبری اولقله مکلفز . حکومت سالفه تک هراجرا آتی تورکر نامنه یایلدینی ایچون دیگر وطنداشلر مزده عصرلرک بریکدیردیکی بر مجموعه اغبرار ودرکده اولنورده کی ملیتپرستلر، بو اغبراری بعد الانقلاب تورکرده تشمیل ایتک ایسته ییلرلردی . بوسبیله کنج تورک عنوانیه موقع اقتداره کن ذوات، موقع ووظیفه تک بویوککنی آ کلامالی واسکی اغبرارلرله یکی اغبرارلر انضمام ایتمه سنه چالیشالی ایدیلر . اونلر، بو وظیفه نی ایفاییده مدی . عناصری تورکرک بقات ده کوجندیردی .

حقسز لقلر بوتون عناصری تهییج ایتدیکی برهنک . مده ارناودلرک « صرف وحدت عثمانیه وعدالت ملیه » نامنه قیامی، عثمانی اکثریتجه تأیید ایدیلدی . وتورکرکی حقسز یره هدف اغبرار ایتسیرن قوت، آرادن چیقدی . بنابرین دعوانک محق قسمی اساساً حل اولوندی . لکن عثمانی ارناود وطنداشلر، بو محترم عنوانک تحمیل ایتدیکی وظیفه نی وافکار عمومی عثمانیه ویردکاری تأمینانی اونودرلرده عدالت وملت نامنه باشلادقلری حرکتی وحدت عثمانیه نی اضرار یولنده استیخاله ودوام ایتدیرمک ایستر . لرسه، قارشولرنده بوتون عثمانیللی بولورلر . عدل وحقیقه قارشی یوروش اولاجقلری ایچون صانیرمی سکز که موفق اولورلر ؟

لکن بز حالا ایشک ایچنده ینه بر مشوم سسوه تفاهم بولوندیغه اینانق ایسته یورز . ارناودلری، یکریمی ملیون عثمانی بی شیمدی به قدر آدامش عد ایتک بزه زور کلپور . بز تورکر، منای عثمانیک ادا مه وحدتی عشقه صوک امکانه قدر تورکرکمزى عثمانیله فدا

ایده جکزر، لکن عثمانیله و اخوت عامه ملیه به
نیجه آتیلدینی، عثمانلیق لوی دیشاندن خارجه
چیقیلدینی زمان، عثمانلیک مثل ادیبی اولان
بز تورکر، آرتق قارداشلقدن باشقا بر مضمونی
اولمیان او شانلی وحدت ایچون وظیفه منری
ایفا ایله افتخار ایده جکزر .
ف . ۱۰ ح .

مضامین

مسئولیت وجدانیه

بزده اک آز کوزه دیان مسئولیت، ایشته
بودر . هرکس اعمالی مقابلی اولان مسئولیتدن
قورقاسنی بیلیر . بو، اولدقجه قولایدر .
زیرا بو خصوصده اونک ترازوسی یا اوامر
دینیدر، و یا خودده قوانین عدلیه .
ایشته بونک ایچون هرکس، اعمالی بو
ترازولره تارتار . شریعت و قانون ترازوسی،
عیاری شاماز و حساسی قطعی بر ترازودر .
بوسبیله بک جاهل آدمی بیله بو ترازودن استفاده
ایدر .
لکن وجدان آدمده کی میزان که صوک
درجه حساس اولقله برابر صوک درجه ده
دخی نازک اولدیغندن اعمال قیلمه یی تارتاماز .
او، نیات و مخفیات دینلن جواهری تارتمه
مخصوصدر .

انسان برایش یاپارکه اوکا قارشى دساتیر
اخلاقیه حکم ردی ویرمکه برابر، بر جزا
ویره من، حتی بویه ایشلری یایمق دن منع ده
قانونک اُلدن کلز .
نیات کنجه : جزا فعله مقابل اولدیغندن
کیمسه ظاهرده نیاتیه معاتب طوتولماز .
لکن انسانک وجدان کرامتده اویله بر
حاکم واردر که او، مخفیات و نیاتی ده محاکمه یه
مقتدردر .

افعال بشریه نك الك چوغی، مخفیات شكننده
کلیر ویکر . جمعیت بشریه نك الك زیاده اضرار
ایدن، انسانلری ظالم و مغدور کبی ایکی صنفه
آیران، بشریتک بر قسمی فضله بر راحت و باله
مالک، دیگر قسمی ایسه احتیاجات و سفالت
ایچنده هلك ایدن افعال، علی العاده جنایتلر
دکل، بویه کزلی شقاوتلردر .

انسان ذی وجدان اودر که : یاپاجنی ایش
طو لایسسیله عدالت بشریه دن دکل، کندنی
عدالت وجدانیه سندن قورقار . کندنی وجدانیله
مناسبتدار اولمیان بر آدم، هر نه یاپسه، اخلاقی
برادم اولاماز .

محکمه جزا حکمنده اولان عدالت بشریه
قارشوسنده برائت قازانسده، محکمه عالی
تمیز اولان وجدانی حضورده متهم قایلر .

دساتیر و حکمیات اسلامیه یی حسن تلقی
شرقه نائل هر مسلم، بالجله اعمال و نیاتی ایچون
وجدانی حاکم یتیملی در . زیرا وجدان بشرده
رفعتشین عدله و داد اولان حاکم، ادرک
انسانه خیر و شری تقریق خاصه سنی احسان
ایدن ذوالجلال حضرتی در .

او حاکم آلدانماز و آلداتیلماز، اونک حکم لری
سینمز و اونودیلماز . اونک تقدیراتی، بک قیمتی،
اونک تقیحاتی بک نعمتی در .

هر دم زده و صوک آتمزده دست رعشه دار
تضرع مزده طوتاجع مز فرمان، او حاکم وجدانی نك
لوح حیات زده یازدینی برات مهابت نشاندر .
یالانلرک فائده ویرمدیکی، یالانچیلرک کیرمدیکی
بر میدان وارکه اوکا ینه وجدان دیرلر . ایشته
او میدانک قهرمانلری، مسئولیت وجدانیه یی
بیلنلر و کندنی وجداندن قورقاندلردر .

ناظرله سابق

صارو حان مبعوث سابقی مصطفی افندی
دوزمالیه نظارتنده ناظر عبدالرحمن بک افندی
ایله اجرای ملاقات ایتمشدر .

دیوان حرب قراری

ازادامارد و اشتراك غزته لری دیوان حرب
عرفی قراری و مرکز قوماندانلی تبلیغیه تعزیل
ایدلشدر .

مالیه مأمورلری

دون مالیه نظارتنده عموم مأمورین هیچ
بر فرق سیاسی به انتساب ایتیه جکزرینده دایر تخلف
اوله رقی بدلرندن بر رقظه تعهدنامه دخی اخذ
ایدلشدر .

بکقوز کاغد فابریقه سی

بکقوز کاغد فابریقه سی تکرار کشاد
ایتمک اوزره یکی بر شرکت طرفندن تشبثات
جدیده ده بولندینی مستخبردر .

آقزده لر ایچون مروت

سواری برنجی فریق لکندن متقاعد حتی
پاشا و عائله سی افرادی طرفندن فلا کتر دکانک
تهوین احتیاجلرینه مدار اولق اوزره اعانه
اوله رقی در تیوزایکی غروش شهرمانی و زنه سنه
تسلیم ایدلشدر .

پولیسى ضرب

بک اوغلی مرکز مرتباندن ۱۹۹۱
نومروده مقید جلال الدین افندی یی ایوب
سلطانده ساکن تقشکچی محمد اوسسته ضرب
ایتدیکندن در دست ایدلشدر .

مطبوعات

آرناودلده آسایش

(نوبه فرایه برهه) نك استانبول مخبرندن :
آرناودلی احوالی کسب صلاح ایتدیکندن
حوالی مذکورده بولان عساکر عثمانیه نك
بر قسمی کیری به چکمک تصوراتی واردر .
اولا سلاطینک، دده آفاج، و استانبول قول
اردولری طرفندن قوصوه ولایتیه سوق واعزام
اولان افراد، چاغیریله جقدر . زیرا، هیئت
اصلاحیه رئیس ابراهیم پاشا، اورا احوالده
باعث اندیشه برجهت کورمه مکده در .

آرناودلر اسکوبده

(نوبه فرایه برهه) غزه سنده اسکوبدن تلغراف :
والی غالب پاشا کلدی . مأمورین عسکریه
قیضله لرده حال انتظارده در . اسکوب سوقاقلری
ایله چارشینی مساح آرناودلره جولانکاه
تشکیل ایدیور .

بوکون (صالی) اوکلین ده متروپچه تیره نیله
یاقوه و پرزیندن بیک آرناود کلدی . بونلر
میاننده حسن بک ده واردر . رضا بک درت
بیک کیشی ایله برلکده اسکوبدن یاریم ساعت
بعد مسافده باردوقجه دینلن محله گلشدر .
اسکوب صرب و بلغار لیلی مکتبلری تحت
محافظه ده بولنور .

تورکیه احوال سیاسی سی

نان غزه سی یازیور :
استانبولدن اشعار اولدیغنه کوره احوال
سیاسیه حال توقفده در .

موقوف الکلم محافله تأمین اولدیغنه نظراً
قائیده بر بحران حصولی احتمالاتی زائل اولمشدر .
کامل پاشا غروی مظفریت احراز ایتمشدر .
حسین حلمی پاشانک استعفا ایده جکندن بحث
اولنور . حریت و ائتلاف محافله ده دوران ایدن
بر شایعه یه کوره اتحاد و ترقی جمعیتی، مجلسک
فسخه راضی اولدیغنه دایر یقینده جاوید بکک
یازدینی بر بیاننامه یی نشر ایده جکدر .

اتحاد و ترقی مبعوثانی، دائره انتخابیه لرینه
کیتیمک اوزره خرچراه آلیورلر . احوال
عمومیه دن استدلال اوله جغنی اوزره اتحاد و ترقی
جمعیتی، کله بک انتخاباتده بر فرقه مخالفت
شکلی آلق اوزره استحضاراتده بولونیور .
مع مافیه، روم و بلغار عنصرلری، انتخاباتده
حریت و ائتلاف ایله حرکت ایده جکلری ایچون
جمعیتک موافق اوله جغنی مردوددر .

تورکیه - روسیه مناسباتی

ژون تورک رفیقمزک مدیر مسئولی جلال
نوری بک پترسبورغه بولنسی حسبله سفیر
طرخان پاشا ایله بر ملاقات اجرا ایتمشدر .
سفیر، روسیه حکومتک تورکیه قارشى سیاستی
بروجه آتی تعریف ایلشدر :

روسیه حکومتی تورکیه قارشى تمایلات
حسنه ایله متحسدر . روسیه هنوز بک
چوق زمان محتاج اولان اصلاحات داخلیه سنی
قوه دن فعله کتیرمک ایچون حضور و آسایشه
محتاجدر . پترسبورغ محافل تورکیه کبی بر
قومشوا یله ادامه حسن مناسبات طرفدارى در .
روسیه بولتیقه سنک اساسی، بالقان صلاح
ومسالمئنک، استاتوقونک محافظه سیدر .

آوستریا سیاستی و تأثیراتی

آوستریا خارجیه ناظرى قونت برختولدک
روم ایلی احوالک اصلاحی حقدده دول معظمیه
تبلیغ ایتدیکی تکلیفک عثمانی محافل سیاسیه
و حکومتده تأثیر حصوله کتیردیکی قارشى
غزته لرده اوقومشدر . باب عالی جه آوستریا
و مجارستانک محافظه کار برسیاست تعقیب ایتدیکی
ظن اولتیوردی .

اعمال خیال

بر سوری دلی اولدیغنه قائلسک، شوخالده بنم ده لیکمه نه یه
اعتراض ایدیورسک ؟ غالباً جنت عمومیه یه بکزه من برنوع
جنته مبتلا اولدیغم ایچون !

أوت، عزیزم، بن بو خیالاتک ارقه سنده کیزلنش اولان
خیالتلری آریورم، افسوس که بولامیورم، بولامیورم ده دکل،
ناصل آکلاتیم

حقایق فیهیه هیچ برشی دینله من، لکن بر حقیقتک
وجودی دیگر برینک وجودینه مانع اولاماز . بعض وجدانلر
وارکه غایه ایله مبدأ آرسنده برحد، برحد فاصل وظیفه سی
کورمک ایسته یی حقایقک اوکنده قلوب دورامیور . بن نیت
ایتسم که بوحیاتی، دنیایه نه یه کلدیکمزی، نه اولاجغمزی،
بزی کوندردنی آکلامه دن، ترک ایتیمیم . آه نه اولوردی که
بوسؤاللره بن اثباتی ویا انکاری برر جواب ویره بیلسم ؟

بنم وجدانی تحریش ایدن سؤاللرک، علی العاده جوابلری
یوق و اولاماز . حقیقت نهاییه یی انکار ایتیمک ایچون انسانک
بهرجی بر ذکایه، حسسز برقلبه مالک اولماسی و یا خودده کشفیات
فتیه دن جاهل بولونماسی ایجاب ایدر، ناصل که بونی بلا معرفت

ولاشهود تصدیق ده بویه . دردمه عالم فن ده دوا آراده، بولا .
مادم . صوکر بر غریب عالمه دوشدم . احتمال که شیمدی یه
قدر بوعالده بولدقلم، نیجه اندیشه نك وجدانلری افشاع ایدردی .
لکن بن ؟ تلسقوبلرک کسوره مدیکی عوالم بمیده یی بنم معنا
کوزلرم کوریور، هنوز متفکرلرک ماهیتی تعیین ایده مدیکی
سحاب مضیلرله بن تماسده بولونیورم، سزک تفحصاتکزدن
کیزله بن سونوک اجرام سوا یه، بنم کورمک ایچون نوره محتاج
اولمیان کوزلرمه هدف اولویور . بن اویله بروح اولدم که بنم
ایچون اوزاق، یقین، کشف و لطیف قالمادی ! مادیات امرمک
محکومی، مغنویات اراده مک زبونیسدر . بویه ایکن بن ینه
آچ ! روح، کنیدیسی دیوراجق غدا ی قناعی هنوز
بولمادی . آریورم، آریورم .. نه می ؟ دیه جکسک ؟ هیچ !
سوکلی و عزیز سامی، بوتیارخانه یه برده لی یی نهدن چوق
کوریورسک ؟ آکلابورم که بکا آجیورسک . تشکر ایدرم .
فقط بعض آفیون خوارلرک، خسته لک مقدمه سنده، ضعف
وناتوانی بک بکزه یی حالت سکریه لر یی ناصل سه ورلر،
بوندن ناصل ذوق آلیرلره بن ده اویله یی . بنم وجدان اندیشه -
نامک جستجولری، بنم اک بویوک ذوقدر . کچن کون،
منسوب اولدیغ دردیلرک رصدخانه سی حکمنده بولونان بر
مزارلده کزنیوردم، مزارلده بر ده لی کوردم، آینه کچر -

دیکی بر ترازى ایله اوینایوردی، نه یابدیغنی صوردم، بکا شو
جوابی وردی .

— حناقله معرفتی طاریورم .

— بوندن مقصدک ؟

— مال موجودی آ کلامق !

— نه ناصل بولدک باقیم ؟

— حناقم اوقدر آغیرکه ... صانیرم قارون دوران بنم !
بونه دیمکدر ؟ سکا آ کلامق مشکل . لکن ایشته بنم حال .
عالمده، بر شیشه احتیاج اولسه یی، سکا مراجعت ایدرم،
لکن یوق . ارتق سندن برجام وار . اوده بنی اونوتق ! یعنی
اشغال ایتیمک .

سامی، بومکتوبلرک تعاطی سندن بر آى صوکر مغنیسیه
کیتمش ایدی، مقصدی اسادی وک محترم دوستی رجائی ایله
کوریشمک و کنیدیسی او حیا ملا میانه دن قورتارمق ایدی .
رجائی یی « عین علی سلطان » مزارلغده بولدی . رجائی
خلاف مأمول اولارق صحتی محافظه ایدیوردی، الیسه سی
اک لاقید و یا خود قورناز دینلجیلرک الیسه سی آکریبیوردی .
سامی، مزارلغه کیردیکی وقت، رجائی یی ایه کوجلری آره -
سند ویر قبره یا سلامش کوردی، کندن اول مزارلغه
مابعدی وار